







S. VIII. 33.

Acerbum Funus
REGINÆ Dreher

Suavisſimæ Conjugis

JOACHIMI Hammermeiſters/

Protonotarij Regij

His proſequuntur

Lacrumis

Amici

STETINI, Typis GEORGII GOETSCHII

ANNO M. DC. XLII.

Prosopopœia Mariti ad suavis-
simam Uxorem.



E U! quam futura sortis ignari sumus
Humana turba; quam citatis lapsibus
Sistenda nulli voluitur vita rota.

REGINA, dulcis ah REGINA: Lux
(mea

*Quam Te putaram firmiter superstitem
Fore per tot annos Filia unica, & Mibi!
Nunc ante tempus insperato concidis
Flos sicut immaturior: Vix terminum
Ætatis attigisti eum, quo gaudia
Spirare Tu, atq; ego sperare cœpimus.
Mors est, & omni morte pejus vivere,
Postquam Tui carere cogor optima
REGINA, dulcis ah REGINA. Non fratrem,
Socium, parentem aut si quid illis charius,
Amisi ego; Uxor est, ah Uxor interit!
Pudoris officina, & Temperantia,
Invicta quondam cordis huius machina,
Pars vita, & huius Imperatrix Pectoris
Amore plena, dignitate, gratiâ
Faventiâq; Hec inquam, Maniam ad domos
Abiit, unde fas redire neminem.
Abiit, beu! Mundi atq; inanium satur.
Quod cum recordor, atq; ejus desideri*

Inten-

*Intensus ardor aestuat prae cordibus,
Opto ipse, derelictus nunc ab omnibus,
Miserabilis, viduatus suavi compare,
Tot anxius curis, & agrimonijis,
Moriar. Licet moriendo vivam pessimè,
Vivamq; mortem, & mortuam vitam traham
Vivum cadaver, ac superstes vix mihi,
Cui me relinquis, & cui deferis mea,
REGINA, dulcis, ab REGINA? Si mori,
Et Tecum abire debui orbe Lux mea,
Cur vivo, nec morior? priusquam ego enecer
Querimonijis, tot & curarum morsibus.
Fulsere quondam candidi soles mihi,
Cum Te licebat vividam intuerier,
Cum ludere, esse, Tecum & vivere obtigit:
Nunc involutus ipse crassis nubibus
Tenebricosus erro totam per domum
Tristis, meiq; nescius, Solatium
Te posco, Te quero, Invoco: Sed O dolor!
Non invenire Te amplius mihi licet
REGINA dulcis, Ab REGINA, Lux mea,
Quae nunc me adibit, ut fori molestijs
Lassam, fatigatamq; mentem recreet?
Quam nunc amabo? Cujus esse nunc volam?
Ubi nunc, animi curas mei quae diluet?
Perire cuncta, heu! cuncta mi solatia;
Spes, vita, Gaudium; omnia ista perdit;*

*Et ego maritus heic morem Tecum emori,
REGINA, dulcis ab REGINA, Lux mea?
Cessa Marite. Non sic summus orbiter
Decrevit. Uxor, quam diurnare baud tulit
Virtus in orbe, fas ubi versum ac nefas,
Summa Salutis attigit jam limitem,
Fruiturq; vitâ, vita quæ dici meret.
Lugere ademptam cœtui imperat dolor,
Vetatq; Te Marite abesse lacrymis.
Sed & nec invidere fas mortalibus
Felicitem, & ista cœli gaudia.
Perit, perire quod jubet fatalitas
Mortale corpus, inq; pulverem redit:
Mens at polocognata, priscam originem
Repetit, tot ex mali & probri incitabilis
Æternitati vivens atq; gloria.
REGINA, Amice, vivit, uxor optima.
Vivit, poloq; sydus additum novum est.
Ætatis antegressa feminas sue
Formâ, pudore & ceteris virtutibus
Regnavit heic REGINA: at absq; insignijs.
Nunc sceptrâ Palmulâ habens & Coronulam
Post bella tot, mundi q; tot molestias
MUNDUM TRIUMPHAT, ET TRIUM-
(PHAT OMNIA.*

*Testandæ Condolentiæ E.
posuit*

GEORG KIRSTENIUS D.

E T Tua proh! moritur, Vir Consultissime, Conjux,
Quæ fuerat Tecum vivere digna diu.
Sic Fortuna Bonum rapit invida, quod dedit! atqui
Non sine fatali conditione rapit.
Haut aliter voluit Rerum Patris alma voluntas.
Hinc fuge mœstitiâ, subijce Teq; DEO:
Et Tibi consultum fuerit bene: nam *sibi verè*
Fidentem non vult destituisse DEUS.

Obsequ. & condol. ergò
M. Mart. Bambatnius.

Variolæ Malevolæ
Sine morte rarò solæ.

D Ira lues morbillorum satis est grassata per Urbem
Et papula ardentes regnarunt hic & ubivis.
Vix fuit ulla domus, varians contagio quam non
Intravit: mortis creber ceu Prodrômus atra.
Abstulit infantes, Juvenes, nitidasq; puellas.
Matronas teneras, linquens spectacula mœsta
Quis facies, species, hominis nec forma remansit.
Has inter pergit CONJUX dignissima vitâ
Corporis & cordis famâ, pietate, decora.
Non est quod doleas multum Praclare Marite.
Nil prosunt lachryma: nec possunt fata moveri.
Ha sordes anima scabiem rabiemq; repellunt.
Ante oculos nostros quò tristior exstitit; illa
In cœlis fulget cum Christo pulchrior astris.

συμπληρωματικὰ ἐπεὶ ἐκείνη ἀπὸνέετο
Johannes Andrea, Padelgar Silesius.

C Ujus magnificè structæ ædes quattuor ante
Menses ad Thalami rem patuere mei,

A3,

Con-

Convivisq; sonò chordarum & arundinis aptò
Ad sua latiniæ capta dedere locum,
Eheu occubuit REGINA! hinc concidit ejus
Gratia præclaræ, quæ fuit antè, domus.
Amplius haud solitam reddunt penetralia lucem,
Proq; tapete latus jam nigra vela premunt.
Pallor in ore sedet cunctis, auditur amarus
Pro modulis planctus, nania proq; jocis.
An vicinùs ego taceam? indignatio certè
Extorquet versum, hìc quòd fera Parca furit,
O Diva inclemens, quis te furor armat iniquus
Melleolum florem hunc abripere ante diem,
Et domui charæ cum Possessore benigno
Temporis in puncto tot dare damna brevi?
Conjugium quod svave fuit, foetum atq; secundum,
Heu! subitò nunc fit flebile disjugium.
Scilicet expirant tunc gaudia cuncta mariti,
Uxor amata suum si cadit ante diem.
Infausta ergò dies & vix memoranda, dolores
Unde satis magnos Vir bonus hicce capit.
Sic ego condoleo, sic & benefacta requirunt,
Grati animi signum, quæ meminisse, puto.
Sic tamen ob mortem cuiusvis reor esse dolendum,
Excedat justum ne dolor iste modum.
A Domino nosti fors & mors utraq; quòd sint,
Uxorem ipse probam sustulit, ipse dedit,
Vir præclare Tibi; nunc Te ad meliora reserves
Fata DEI expectans proficuum auxilium.
Ossibus interea denatæ sancta sepulchrò
Sit requies! animam cœlica regna juvent!

*Testandi doloris & officij causâ
deprop.*

Augustinus Buchner / P. L. & N. P.

A *Rectius injunctos, Hammermeistere, favores,
 Numinis abrupti vi, imperioq; vides.
 Carius, ut fas est, licet hoc tibi fœdus amatum
 Omnibus instabili rebus in orbe fuit.
 Ecce diu potuit tamen haut consistere lætum,
 Pra reliquis turbis, connubiale sacrum.
 Unde nihil poteris citius pro corde placandō
 Ponere, quàm superas aspicendo domos.
 Non ad præsentis curas nos esse paratos
 Tantum, sed melius mox super astra decus.
 Illic morbilli minimè, non ulcus acerbum,
 Corrumperet fœdè corpora pulchra prius.
 Credentum verè potiùs rediviva redibunt
 Prælustri Phœbo splendidiora magis.
 Jubila perdoctè linguis cantantia puris,
 Sicq; REDEMPTOREM magnificando DEUM.*

BONAVENTURA Werther.

S O fürchtet nicht der Todt bey euch schon einzukehren:
 Herr Hammermeister? Nein/es kan ihm keiner wehren/
 Das er so früh' reist ab die Blüt' der edlen Zier/
 Die ihr allzeit geliebt/ die Euch erfreuet allhier.
 Er achtet keiner Kunst/ Er achtet keiner Jugend/
 Er achtet kein' Gestalt/ frage nicht nach wahrer Tugend/
 Damit dieselbe wahr für anderen begabt/
 Und Ewr Trarigkeit gar offte damit gelabt:
 Sie war Ewr ganzes all' / Ewr Trost/ vnd Ewr Leben/
 Sie war auch Ewre Ruh/ was mocht Sie Euch mehr geben?
 Sie hatte ihren Sinn vnd fewrigen Verstande
 Nicht auff ein sterblich Ding von Kindheit an:
 (gewandt.
 Weil das / was Irdisch ist/ zu Grund vnd Boden gehet/
 Allein der Tugend Ruhm in Ewigkeit bestehet. (singt/
 Drumb ob Sie schon so jung der Schwanensang jert:
 Was ihr an Jahren felt/ der grosse Lob einbringe.
 Ihr

Ihr Seele hat nunmehr Verfach sich zu erfreuen/
 In der gestirnten Luft/ sie darff kein Wetter schewen
 Im Sturm dieser Welt/ist weit von Zand vnd List/
 Vom Kriege welcher nū als wie der Krebs vns frist.
 Wir Armen müssen hier in diesem Kampff noch ringen/
 Vnd zwischen Trost vnd Angst die rauhe Zeit verbringen/
 Erwarten mit Gedult auch vnser letztes Ziel
 Biß daß der Lebensfürst vns zu sich haben wil.

Dieses weinige auß Christ-herzlichem Mittels
 den auffzusetzen ist genötiget worden/

GOTHOFREDUS ALBINI Sedimenfis.

I Mperio mortis sunt omnia subdita terris
 Non ulli parcit mortis avara manus.
 Sit juvenisq; senex, sit præstantissimus ille,
 Mors tamen hunc subito falce rapace secat.
 Non genus aut virtus non rerum plurimus usus,
 Crudelem mortem pellere in orbe potest.
 Quod jam testatur sat clarè foemina casta,
 In qua lucebat cum pietate, fides.
 Non hanc immeritò jam vir clarissime, plangas,
 Hæc, tibi cum conjux associata fuit.
 Desine sed luctus lachrymas, & fundere multas
 Nos voluisse decet, quod pia fata volunt.
Chronodistichon.
 SI factis In terris foetils eXegIMVs annos.
 HæC nos VIVentes a Vreca aDastræ ferVnt.

Heinricus Schwallenberg.

Regina Dregeriana
 per anag:

En regia regna dari.

EN felix superest, qui mortis falce resectus,
 Huic etenim certum est regia regna dari.
 Non igitur lachrymas, Vir Præstantissime, fundas,
 Dilecta uxoris tristia fata videns.
 Illa petens celos, vires donata corona est,
 Et cum caliculis gaudia magna capit.

Condolentia ergo f.

Bogislaus Schwallenberg.

FINIS.



921116 Bibliotheca 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

